

52 8032

欽定剿平三省邪匪方略

正編

七  
六

卷之十

十

十

欽定剿平三省邪匪方略正編卷一百六十七

庚申年

四月十八日

庚子

德楞泰勒保奏言竊

臣

等緣甘

省竄匪逼近龍安

臣

勒保與魁倫商酌卽令魁

倫帶兵馳赴梓潼綿州一帶以防甘匪闖入川

西

臣

勒保督同總兵施縉副將薛大烈等由南

部保寧境內緊躡追剿本月初四五日該匪等

分出探馬戰手各數百人於盤龍驛漩口河兩

處欲圖搶船過江均經我兵先後追及兩次殲  
獲三百餘名不敢窺伺江邊竟直奔保寧郡城

臣勒保卽督率阿哈保施縉帶領馬步官兵盡

力追趕初六日申刻於黃連埡地方追殺賊匪

二百餘人生擒鮮文玉等一百三十五名投出

被脅男婦五百六十八名口前隊賊匪探知後

有追兵卽向舊縣壩小路連夜鼠逸初七日午

刻正在督兵追剿忽聞後路鎗礮之聲不絕據  
探開封廟一帶有白旗數桿飛奔而來抄截鍋  
帳正遇薛大烈一路官兵轉回截殺臣勒保恐

此路兵力稍單卽親率馬隊馳往迎擊及至該  
處知經薛大烈擊退殲獲賊匪數十名鍋帳得

保無虞此卽係臣德楞泰擊敗之賊已向栢林

廟竄逸臣德楞泰因該匪等僅剩一千餘名俱

騎馬晝夜奔逸亟須盡力窮追初六日追至觀

音寺截殺一百餘人散出男婦一百三十八名

口訊知張子聰度向瑤等率其前隊狂奔相隔

已有七八十里臣德楞泰卽於初七日率同賽

冲阿温春阿穆勒塔李紹祖馬瑜等帶領馬步

官兵行走一百三十餘里酉刻亦到開封廟探

知白號之賊已與藍號等竄合在江口一帶搶

船<sup>臣</sup>等卽會同連夜督兵進發維時阿哈保施

縉薛大烈託雲泰等所領前敵之兵先在柏林

廟駐劄卽催令就近馳往截擊初八日巳刻我

兵趕到江口正值該匪等在江口陳家渡龔家

灣柳樹灘分爲四處搶渡嘉陵江每處有船十

餘隻七八隻不等阿哈保等亦分四路攻擊殲

獲甚多適<sup>臣</sup>等趕到見江口柳樹灘兩處人數

較衆均係精壯戰手必須擊其中堅則餘匪自當驚潰隨卽親督滿漢屯士兵勇先從江口柳樹灘兩處下壓賊匪慌亂異常投河淹斃者不可勝計並有乘船之賊中礮翻水者十餘船統計斬殺淹斃之賊實共有二千七八百名生擒賊目柳凱等八百十六名並有被脅男婦陳正朝劉王氏等二千四百餘名口或丟棄器械或



攜老扶幼或尙爲賊匪背縛均伏地哀求實屬  
目不忍視當卽一一撫諭與擒獲各犯內訊出  
之脅從難民楊芳等五百二十八名一併給與

印票銀米糧令回籍其餘從賊日久者俱卽正  
法搶獲牛馬一千三百餘頭匹刀矛旗幟八百  
餘件均卽賞出力兵弁訖訊據賊目柳凱等  
供稱藍號等股原想官兵正在川西追剿白號

未必卽能趕到潼河以東是以由太和鎮竄回  
可以避兵擄掠不料官兵連日追趕緊急元帥

冉泰順與徐萬富等商量挑出熟悉水性戰手

一百餘人於初七日晚間先到江口一帶梟水

至東岸搶得大小煤炭船三十餘隻在江口陳

冢渡等處分渡線字號只剩數百人黃號青號

各有千餘人惟藍號新擄人多尙有七八千人

初八日早開渡未及半又來白號七八百人因  
張子聰度向瑤是白號元帥先挑兩隻大船讓

令先渡甫經開放卽值官兵趕到用礮擊翻船  
十數隻張子聰等之船是否已遭沉溺不得知

星土  
道聽見徐萬富等商量過江後要由廣元一帶  
竄出該境如不能過去卽赴通江巴州等處與  
鮮大川等合夥各等語伏思藍白等號賊匪自

竄過嘉陵江西岸之後裹脅已有四五萬衆幸

賴

皇上天威飭令

臣

德楞泰督兵早到叠獲勝仗痛加

剿殺並殲擒各首逆賊勢實已窮蹙滿擬卽在

潼河東岸可以辦完詎料河防不慎又被竄過

潼河西岸蹂躪更多偪脅又衆兩旬以來

臣等

分投追剿匪衆不敢逼近成都省城過往川西

壩要路該匪等無路奔竄仍折渡潼河今又被  
剿情急竄回嘉陵江以東五號之賊統計只剩  
數千名現在潼河東西兩岸一律肅清人心大  
定正當翻犁播種之時斷不致有悞東作臣等

因川東川北尙有賊匪三四股正須亟爲剿辦  
今此股敗殘餘匪勢必與之竄合恐其又肆鴟  
張正擬分兵由廣元保寧兩路截剿又據派防

龍安之總兵百祥署龍安府黃爲琳等稟稱自  
甘境竄入南坪之賊初三日已過象鼻關在平  
武縣屬葉棠堡一帶焚掠番衆驚逃薛土官不  
知下落初六日有賊一二千人在水晶堡跣水  
過河直上黑水溝一帶焚掠竄逸另有一股由  
文縣竄入南坪勿各寨屯聚各等情查黑水溝  
距龍安府城一百餘里並可通石泉安縣綿竹

江浦彰明等縣萬一被其竄出卽係川西壩地  
方於大局殊有關係現在百祥派防龍安所帶  
之兵無多尙恐不敷堵禦又聞叅贊那彥成業  
已帶兵回陝雖經臣等商令魁倫馳往堵剿但  
頃又接奉

諭旨飭將魁倫革職拏問交與臣勒保審辦自應遵

旨速往臣德楞泰卽日由劍州直趨廣元先遏藍白

等號竄陝要路再行相機迎擊

臣

勒保卽轉回

梓潼一帶直赴魁倫軍營一面查辦一面卽就  
近分撥將領分投截剿甘省竄匪并安撫潼河  
兩岸被難民人及早復業以期仰慰

聖懷

勒保又奏言查魁倫先因甘省竄匪逼近龍安

經

臣

商令伊帶兵赴梓潼綿州一帶就近堵剿



業從元山場分兵起身前往茲奉

聖諭將伊革職拏問審擬覆奏臣自應迅速馳赴魁

倫軍營敬宣

諭旨秉公審辦查此次賊匪竄過嘉陵江又復竄過

潼河到處放火殺人地方蹂躪既多生靈荼毒

不少川西百姓殊深怨恨今蒙

聖明將魁倫拏問臣何敢不據實查辦第念去冬臣

學士...  
拏問時係魁倫審擬今臣又審辦魁倫伊與臣

本係親戚重則近於執復輕則涉於瞻徇均屬  
有負

委用因思周興岱業經到省

香差卽日可竣伊係本省人輿論民情較臣見聞更

確且現係

欽差大臣惟有仰懇

皇上天恩就近將伊添派與臣會審庶魁倫罪案得

昭公允不特可服魁倫之心並足以服川省民

人之心而臣不敢稍存私見之處亦可邀

聖慈鑒察至阿廸斯前已會同叅贊德楞泰咨調赴

營尙未據報自重慶起身日期現在臣既須查

辦魁倫並須就近籌辦龍安之賊驟難卽離川

西若阿廸斯由重慶一路而來當不甚遠已與

德楞泰商酌卽令其馳赴臣軍營宣

旨審辦均奏入

上命軍機大臣傳諭德楞泰勒保曰川西竄匪於盤  
龍驛漩口河欲圖搶船過江先經官兵殲獲三百  
餘名德楞泰聞知張子聰庾向瑤等向前狂奔卽  
帶領馬步官兵馳至開封廟擊賊正值白號之賊  
已與藍號等股竄合在江口搶船隨趕到江口乘

勢剿殺又斃賊二千七八百名所辦可嘉但德楞  
泰此次截剿渡江竄匪如果能趁白號藍號等股  
合夥竄渡之時悉力奮擊盡數殲除必當優加獎  
賞今雖殲斃多名而餘匪仍搶船過江向廣元一  
帶逃逸未能卽時辦竣畧覺遲緩尙不滿意惟念  
德楞泰兼程前進馳抵江口實爲奮勉出力著將  
伊子三等待衛蘇冲阿陞授二等侍衛以示嘉獎

總兵施縉所帶貴州新調官兵六千名自到川後

屢次打仗得勝現在嘉陵江以西業就肅清施縉

著交部議叙此一路出力將弁著勒保查明咨部

議叙其貴州新調兵六千名俱著賞一月錢糧俾

益加鼓勵至剿敗餘匪祇剩數千德楞泰務須乘

勝速赴廣元將藍白等股餘匪上緊剿盡勿任與

鮮大川苟文明等合夥且訊據獲犯有賊匪過江

後欲由廣元竄至陝境之供德楞泰尤當加意堵  
截勿令逸入陝境其所供賊首徐萬富或卽係徐  
添德捏改名字冀圖乘間竄逸亦未可定德楞泰  
等尤須設法殲擒肅清各股並與那彥成兩面夾  
擊將川北一帶零星賊匪搜捕淨盡再移勝兵前  
赴陝境會合額勒登保併力剿賊務於閏四月以  
內尅期蕆事必當再加懋賞至所奏自甘竄入南

平之賊據派防龍安之總兵百祥知府黃爲琳等稟報已於初三日過象鼻關在平武縣屬葉棠堡一帶焚劫番衆驚逃薛土官不知下落並據稱另有一股由文縣竄入南坪勿各寨等語此股竄匪是否卽係前股分出總由那彥成在甘未能辦淨以致餘匪復竄川境滋擾其咎實無可辭勒保現係四川總督該處地方皆其管轄且經朕逾格施



恩尤當奮身圖報此時德楞泰業經前赴廣元所  
有由甘竄至川境之賊責成勒保剿辦務卽在龍  
安平武一帶將竄匪悉數殲除勿令竄近成都致  
川西地方又被滋擾再龍安與甘省毗連處所卽  
係陰平小道尤須妥爲布置分派兵丁預爲防堵  
至總兵百祥係派在龍安防守何以任賊匪由甘  
竄入並著勒保查明此股賊匪係由何路逸入如

在百祥防守地方縱令入川卽將百祥革職拏問  
按律治罪倘實因該處山徑叢雜賊匪竄入之路  
與百祥相距尙遠則將該一路防堵官員革職奴才  
問而百祥係督防大員仍應嚴叅懲辦毋得稍有  
徇隱至賊匪現由嘉陵江竄至廣元一帶所用船  
隻雖據查明係賊匪預令習水戰手梟水過江搶  
獲煤炭船濟渡但該處江岸防守尙係魁倫任內

之事勒保現署總督其原派係屬何人著勒保查明據實叅奏此時嘉陵江西岸業已無賊江岸防守係總督專責勒保惟當分派將弁在定遠等處實力防堵若賊匪被剿情急仍行竄回嘉陵江西岸則更不成事體魁倫卽勒保前車之鑒也凜之又據勒保奏審辦魁倫一案請添周興岱一同會審等語所見甚是周興岱現係川省香差著卽會

同勒保審辦魁倫一案俟審明定擬後一面將魁  
倫押赴成都監禁候旨勒保著卽帶兵迅赴平武  
一帶剿辦賊匪現在周興岱如已進香差竣卽可  
赴勒保軍營會審魁倫倘香差未竣於審明定案  
後再往告祭亦可

上又命軍機大臣傳諭那彥成曰前據那彥成奏道  
賊至卡狼寨地方痛剿賊衆殲擒賊目多名餘匪

由卡狼寨南竄前係大山老林無兵攔截卽可折  
入川境總兵百祥現在龍安境內帶兵駐守堪以  
就近截殺彼時朕披閱之下甚不愜意惟因那彥  
成帶領將弁等翻山衝冒雨雪甚屬勞瘁且能殺  
賊多名並救出被圍堡內男婦萬餘人若復加之  
責備未免過於求全朕心實不忍是以未加懲誡  
然亦不予獎賞茲據德楞泰等奏稱派防龍安總

兵百祥等稟報自甘境竄入南坪之賊初三日已  
過象鼻關在平武縣屬葉棠堡一帶焚掠番衆驚  
逃薛土官不知下落初六日有賊一二千名在水  
晶堡晒水過河直上黑水溝一帶焚掠竄逸並另  
有一股賊衆由文縣竄入南坪勿各寨屯聚各等  
情此股賊匪闖入川境邊界擾害地方皆由那彥  
成追賊至卡狼寨時不將餘匪剿盡以致高二馬

五等賊擾及川境除川境防堵各員另行查辦外  
那彥成從前辦理不善之咎實所難辭自當示以  
薄懲所有那彥成前在隴州龍山一帶打仗殺賊  
交部議叙軍功加一級紀錄二次之處著改爲尋  
常加一級其紀錄二次一併註銷嗣後那彥成於  
剿辦賊匪務須將現辦一股剿除淨盡不使餘匪  
逸至他處復有蔓延此爲最要

同日

上諭內閣曰教匪滋事起於湖北彼時係永保總統  
此一路軍務督兵剿辦當賊匪在鍾祥屯聚之時  
明亮駐劄鍾祥之正南東南西南三路防堵止有  
兵三千餘名而永保帶兵九千餘名在鍾祥北面  
防堵詎知賊匪不由明亮兵少處竄逸轉向永保  
北面兵多處奔逃可見彼時明亮一路防堵尙嚴



而永保一路雖有多兵不能攔截仍任賊匪向北  
奔竄焚掠漳河鎮繞至黃龍塢偷渡滾河雖卽闌  
回然從此賊勢鴟張至二年竄入豫境踈縱於前  
之罪永保難免其時景安係河南巡撫帶領兵勇  
甚多若能在豫省各要隘督率防禦則楚匪前有  
攔截亦不至肆行衝突乃豫省惟慶成王文雄張  
文奇曾與賊接仗亦未能將賊截回而景安則一

味畏蕙懦怯僅在南陽無賊地方駐守該處居民  
裹携糧食迎犒官兵景安拒而不納因此大失人  
心甚至該省文員將糧餉軍火預備齊全聽候景  
安調遣而景安不發一兵武員伏地跪求打仗景  
安亦安坐不顧通省文武員弁俱各心懷不平是  
以有叅將廣福向其譏誚爭執轉被景安叅以咆  
哮治罪民間遂稱景安爲迎送伯無不人人痛恨

而賊匪轉利其在彼得以肆行奔竄賊至之處豫  
省並無官兵阻擋遂由羅山南召等處竄至盧氏  
從武關闌入陝境而秦承恩又失於防堵任賊竄  
往興安越過漢江擾及川境適川匪王三槐徐添  
德等亦從此勾結蔓延迄今四載有餘未能歲事  
勞師糜餉荼毒生靈實景安首先縱賊所致前經  
降旨將景安拏交刑部治罪茲景安業經解到先

令軍機大臣會同刑部審訊景安亦自知罪狀昭著無可置辨其所供從前湖北教匪接連北竄時王文雄帶兵迎剿一節彼時景安並未能趕上賊匪及賊已入陝王文雄帶兵追剿而盧氏境內尙有餘匪屯聚景安何不前往會同慶成等剿辦乃轉向內鄉躲避迨賊匪全出豫境二十日後方到盧氏總在賊後逗遛從未與賊接仗一次其恇怯

避賊實百喙難辭至所供辦理浙川匪徒係完顏  
岱面稟該處有賊匪潛匿委員查辦屬實伊親自  
帶兵前往查拏辦理一次浙川邪匪本係伏而未  
動自應密加防備約束斷無任意妄拏激之生變  
之理現今賊隊中裹脅之人方節次降旨令各軍  
營設法招撫豈有將習教未經滋事者概行殺戮  
乎況此案人犯已經完顏岱審明辦理完結景安

始行到彼輒敢張大其事誑稱帶兵斃賊一千餘  
名生擒首逆餘詞入奏濫膺伯爵崇封其欺罔冒  
功之罪景安亦已自認不諱以上種種欵蹟若不  
公同鞫訊明正其罪何以爲封疆大臣貽悞國事  
者戒景安著交大學士九卿會同嚴審定擬具奏  
至永保前在鍾祥擁兵九千餘名不爲不多又專  
司一面防堵當賊匪向北奔竄時何以不能攔截

致令偷渡滾河各情節並著監提永保嚴訊再賊  
匪向豫奔竄時永保曾否飛咨景安囑令上緊堵  
截之處并著將永保景安二人一同當面質訊毋

任諉卸

上又諭內閣曰剿辦教匪已閱四年有餘總因帶兵  
大員不將賊匪在本處剿盡縱令他竄而在邊界  
防堵者又不將賊匪堵截以致輾轉奔逃蔓延數

卷之三十一 國朝 卷之三十一  
九  
省前因景安在豫省首先縱賊將伊革職拏問景  
安解到已將伊種種畏葸玩悞情節逐一指出交

大學士九卿會同刑部嚴審並令軍機大臣將從  
前景安節次奏到辦理軍務原摺及永保前次獲  
罪原案一併查出朕詳加披覽教匪滋事起於湖  
北其時畢沅在當陽剿辦賊匪楊起瑞等惠齡在  
灌灣腦剿辦張正謨聶傑人等其襄陽南北兩面



則交永保明亮分投帶兵堵剿彼時明亮在鍾祥  
之正南東南西南三路所帶官兵祇有三千餘名  
永保在鍾祥北面所帶官兵共有九千餘名乃不  
能實力攔截致任賊匪向北奔竄彼時賊勢未張  
而官兵全係精銳又係平地易於剿滅非如此時  
南山老林可以藏匿若永保在鍾祥時果能於北  
面竭力堵截乘勢剿殺則賊匪早可辦竣何至蔓

延至今是永保踈玩之罪百喙難辭是以

皇考訓政時卽將永保革職拏問解京取供監禁仰窺  
皇考聖意自以教匪滋事祇係內地亂民若將統兵大

員遽置重典恐長奸徒桀驁之風是以未卽嚴行  
懲辦而大功一經告竣通核功罪亦必將永保發  
遣新疆決無寬貸後因勒保擒獲首逆王三槐著  
有功績格外推恩將永保釋放然亦祇係令其在

家閉戶思愆未經賞給差使朕上年親政後特將  
勒保授爲經畧專委以剿賊之任因念永保雖屬  
無能而伊曾經在楚剿辦其罪僅在失防滾河一  
節復加恩賞給藍翎侍衛賚送經畧印信前往軍  
營在領隊侍衛上行走並因勒保已授經畧特將

### 皇考大漸時

遺訓詳悉傳諭永保令其轉向伊兄告知旋又授永保

爲頭等待衛署理陝西巡撫方以永保身獲重罪  
經朕逾格施恩自必激發天良力圖報効乃永保  
到軍營後全不自知感奮且在陝剿辦教匪竟於  
大山岔帶兵閑住並不接應明亮又查永保從前  
曾受畢沅餽送銀二千兩胡齊崙饋送銀六千兩  
種種昧心喪良是以降旨復將永保革職拏問解  
京經刑部定擬斬候永保旣辜負

皇考深意又負朕宥罪錄用之恩但核其罪狀其在大  
山谷株守及得受饋送二款猶其罪之小者伊之  
罪案實以鍾祥踈縱賊匪爲最重自賊匪在鍾祥  
奔竄以後逆氛肆擾累經年載尙在稽誅如行軍  
多有虛糜民人屢被蹂躪其誰之愆節次所發餉  
銀不下千萬然此項軍餉不過散在民間猶無足  
深惜至各省地方橫遭焚掠荼毒無數生靈朕每

念及此輒爲焦思不釋若不將首先貽悞大員嚴  
行究辦何以整飭軍紀爲數萬無辜赤子一申冤  
忿乎著將查出永保供詞原案及以上指出罪款  
交大學士九卿再向永保詰訊同景安一併嚴審  
定擬具奏

臣等謹案師行日久則士氣易疲不有以振  
刷而激勵之雖將帥之臣一心敵愾無益也

剿辦教匪已閱四年我

皇上宵籌肝慮

指示多方而兇徒以鋌走爲長官兵憊於馳擊不但

老師糜饟抑且荼毒無數生靈揆厥由來皆

由於起事之初一二封疆大員不能實力堵

剿所致

聖人念切痼瘵如傷在抱

特命檢閱景安永保從前辦理軍務奏函

洞燭情罪

申諭大學士九卿鞫問定擬厥後雖卒邀

恩賞而

洪汗昭宣足令身在行間者悚惶振奮羣策羣力用

以殲渠掃孽疊奏戎功豈尋常運籌決策所

能仰窺萬一哉



同日

上諭兵部曰行營外委武童生張有道前在當陽隨營殺賊奮不顧身爲賊所執抗節不屈致遭慘害與尋常打仗被戕者不同著照把總例議卹伊子應得世職該部照例辦理

十九日

辛丑

額勒登保那彥成奏言

臣

額勒登保

昨由茅坪一帶迎剿賊匪於本月初十日行抵

洋縣之水田坪臣那彥成自甘赴陝取道畧陽

漢中一帶亦於本日來至水田坪會晤查陝中

各股竄匪節據探報總在五郎鎮安石泉漢陰

等處深山老林出沒滋擾臣等公同商酌臣額

勒登保督兵自西抄至五郎鎮安之東北進剿

臣那彥成自西由石泉漢陰至東南進剿恒瑞

現在帶兵一路在商州鎮安等處并卽知會由

策面向西而來三路併力遇賊卽剿但賊匪剿潰四竄挺而走險亦難保其不致逸出我兵儘

力追趕一經狂竄卽或設法兜截究恐緩不濟

急此時所最可慮者東竄豫省凡豫陝交界之

處

臣

額勒登保先經飛咨吳熊光速派兵勇擇

要堵禦想該撫接信後自必嚴防應請

旨勅下該撫督率將領兵勇等加意偵探務以扼絕

賊竄豫境爲要至從前賊匪自川竄陝自陝竄  
甘多因棧中要害之處未能嚴備所致現在甘  
省業已無賊如南棧之鐵索關新集等處不惟  
可以杜陝省折竄之賊且可使川匪不能竄出  
今擬派提督王文雄總兵札勒杭阿在彼堵截  
北棧之留壩江口方柴關等處要隘甚多今擬  
派總兵索費英阿長春汪啟等在彼分段截堵

再各省徵調官兵無非爲剿賊之用况陝甘二  
省更可無分彼此必須合兩省兵力分段布置  
方能聲勢聯絡而各該鎮將於分段後果能協  
力同心於賊未至之前互相偵探賊將至之際  
交相截擊以堵爲剿定無踈虞且賊蹤已遠更  
當逐層相度地勢緊逼賊蹤亦不可株守一隅  
又查該提鎮等所帶官兵雖屬防堵而隨時拏

營立卡與賊相逼實與征兵無異所有鹽糧及  
應用之軍火等項仍須一律運供毋致缺乏該  
提鎮等庶可盡力辦理將來何處踈失卽遵

旨解京治以重罪亦無可藉口

臣

等已詳晰札致長

麟並札飭各提鎮均聽長麟調度官兵不敷前  
經長麟奏明召募新兵自己妥爲趕辦似此剿  
堵兼施當可期於得手

額勒登保那彥成又奏言竊惟辦理賊匪無過  
剿堵兩法而二者之中剿賊尤爲緊要卽如陝  
西現有賊匪如王廷詔楊開甲辛聰辛斗張添  
倫戴掌櫃伍金柱黃之輔趙世泰張世龍劉添  
成曾姓龐國勝冉學勝等或合爲數股或分爲  
十數股到處皆可滋擾並無得力重兵攔截追  
剿核計陝甘兩省征兵及他省調至者爲數原

有二萬餘名此內陣亡病故及患病遣回者已

屬不少又有奔走疲乏患病留養及怯懦無用

之山西等處兵丁徒糜糧餉並無實濟所存打

仗之兵現惟臣那彥成所帶兵四千七百餘名

屢得勝仗士氣較為振奮此因臣等親身督率

秉公懲勸所致然臣等兩人才力心思豈能算

無遺策實仰賴



聖主恩慈倚任呼應較靈將士皆肯用命若他路將  
領並無得力重兵出色將弁嚴催剿賊每致踈  
虞失利督催稍緩又不能痛剿至新募之兵未

經訓練尤不足恃今祇有臣等兩路之兵剿辦

多股之賊日事奔馳徒疲兵力而無兵追剿各  
股仍可往來游奕黨與又復增添若募鄉勇協  
助未嫻紀律所得口食轉較兵餉爲多自不如

仍調得力官兵將疲乏怯懦之兵撤回使一兵  
得一兵之用方不致虛糜糧餉查前調廣東廣  
西兵五千名早經預備仍懇

聖恩飭派前來廣東陸路兵丁較多並懇於原調五  
千名外再調兵八千名速令一併來陝剿賊所  
有派調新兵如蒙

俞允俟調到軍營時與舊有之兵派出三路分剿每

路約撥兵四五千名令恒瑞楊遇春慶成分帶

此三人熟悉軍務奮勉向前均可獨領一路

臣

等仍就近督催稽查稍有意玩卽行嚴叅治罪

如此布置陝省有五路重兵每路之中又可時

分時合賊蹤所至總有官兵截剿不能再逞牽

綴詭計大局辦定自可次第成功目下添調之

兵未到

臣

等惟有儘現在兵力認真進剿斷不

敢稍存怠緩奏人

命軍機大臣傳諭額勒登保那彥成曰本日額勒  
登保那彥成聯銜奏報之摺朕以爲必係在陝西  
興安一帶打仗殺賊得勝情形及加披閱祇係在  
洋縣會同商辦分剿陝西賊匪及覆奏通盤籌畫  
情形並未與賊接仗朕二十餘晝夜所盼望者又  
成虛矣况陝省賊匪惟恐闖入豫境額勒登保那

彥成當以截住東面爲目前第一要務乃經畧叅  
贊均由西面進剿轉驅賊匪向東奔竄而東面僅  
有恒瑞國霖二人在彼豈能遏賊全力衝突勢必  
闖入豫境額勒登保那彥成以業經咨明吳熊光  
恐其防堵不力請降旨嚴諭該撫多派兵勇實力  
堵禦是二人亦知東面不足深恃無論賊匪由豫  
省北趨密邇直隸卽以賊擾之處而論豫省兩年

以來賊蹤不至如偪令北趨使豫省復遭蹂躪該處係平原繁富之區賊匪得以肆行搶掠裹脅自必日多辦理豈不更爲棘手陝西賊匪伊等原應在陝境辦竣卽或預籌賊匪去路必不得已亦當逼往川北及甘境地方額勒登保那彥成何不一面咨會德楞泰在川北邊界防堵一面咨會長麟在甘境堵禦以防賊匪被剿緊急或竄至該處豈

有將官兵全力自西而東轉令豫省著重將堵賊  
之事全交吳熊光轉不令陝省督撫在本境堵截  
有是理乎額勒登保那彥成俱著傳旨嚴行申飭  
現在陝省竄匪股數甚多川西賊匪業經德楞泰  
到彼剿辦那彥成竟不必前往川北惟當速圖改  
計與額勒登保彼此熟商分一人速赴東南與恒  
瑞國霖等扼住賊匪竄豫之路如賊匪被剿情急

竄往川北甘省尙可令伊二人立功自贖如竟令  
竄近豫省不但恒瑞吳熊光難辭重罪必將額勒  
登保那彥成一併拏問治罪其時伊二人卽欲自  
效行間亦無及矣又另摺稱陝西現有賊匪如王  
廷詔楊開甲等或合爲數股或分爲十數股到處  
皆可滋擾等語祇將賊匪姓名臚列而於某賊在  
某處滋擾之處及賊數大約現有若干並未逐一



聲叙至所請廣東陸路兵丁較多懇於原調五千  
名外再調兵八千名速令一併來陝一節前經降  
旨令額勒登保添調黔兵三千名旋據覆奏以陝  
省賊股無多若那彥成帶兵回陝卽足敷用毋庸  
添調黔兵今那彥成已與額勒登保會合何以輒  
欲於廣東廣西備調兵五千名外又添廣東兵至  
八千名之多豈不與前奏大相矛盾可見此次添

兵奏摺必係那彥成之意額勒登保卽不過附和  
其說何茫無定見若此况粵東相距遙遠添調多  
兵亦須三兩月方能到陝豈此三兩月中伊等竟  
在彼坐待乎因思山西本有備調之兵伊等以爲  
無用但聞大同一帶之兵頗爲趨健又甘涼一帶  
兵力素爲強勁著額勒登保那彥成飛咨長麟伯  
麟速調甘涼兵二千名大同兵二千名並知照德

楞泰勒保於新調黔兵六千名內酌分二千名來  
陝協剿伊等得此生力多兵儘可奮力截剿計彼

時川北及川西零星賊匪俱當剿盡德楞泰又可  
率領勝兵一同至陝剿辦較之額勒登保那彥成  
現請添調兵數轉多且又得力豈不事半功倍乎

上又命軍機大臣傳諭吳熊光曰本日額勒登保那  
彥成奏陝西各股賊匪總在五郎鎮安石泉漢陰

等處深山老林出沒滋擾額勒登保督兵自西抄  
至五郎鎮安之東南進剿並知會恒瑞等在商州  
鎮安等處由東面向西進剿恐賊匪被剿潰竄豫  
陝交界處所關係緊要並飛咨吳熊光速派兵勇  
擇要堵禦等語所辦大錯已嚴飭矣陝西竄匪經  
額勒登保那彥成三路佈置分投進剿乃東面僅  
有恒瑞國霖二人不足以資堵截現已諭令經畧

叅贊酌分一路官兵繞至東面將賊匪向西逼剿  
勿令竄入豫境但豫省邊防本關緊要吳熊光接  
到額勒登保等知會自己加意嚴堵猶恐額勒登  
保等未經接奉諭旨之先賊匪經兩路官兵由西  
向東進剿東面兵力稍單或致賊匪闖入豫省邊  
界吳熊光務須督飭鎮將田永桐常林等督飭兵  
勇認真堵禦毋使陝匪得以乘間竄入並確探湖

北均州鄖縣各處賊匪是否距豫已遠仍當轉飭  
臬司完顏岱等於沿江一帶嚴密巡防不可因江  
水盛漲稍存大意致有疎懈也

同日

上諭內閣曰大學士九卿等會審景安永保將景安  
問擬斬立決永保仍擬以斬監候係屬按律定擬  
並非周內亦非寬縱但立決之案決不待時用之

軍前惟當於失機之際立時辦理以儆戎行景安  
永保二人一則恇怯避賊一則縱賊奔竄若律以  
軍法自當立正典刑今事閱二年核其罪狀與當  
時貽誤卽行治罪者稍有不同景安著改爲應斬  
監候秋後處決永保仍照原擬牢固監候

道遠多艱其志亦必堅固

即如明倫堂與各省府學不同其設於京師者尤為顯赫

軍器監設在武庫街之東其設於京師者尤為顯赫

亦設在武庫街之東其設於京師者尤為顯赫

軍器監設在武庫街之東其設於京師者尤為顯赫



欽定剿平三省邪匪方略正編卷一百六十八

庚申年

四月二十日

壬寅

欽差戶部侍郎周興岱奏言

臣

於四月初二日行抵

廣元縣遵

旨訪詢朱射斗在高院場失利緣由僉稱自賊匪竄

渡嘉陵江魁倫檄調朱射斗帶兵協剿迨行抵

蓬溪魁倫卽行駐紮未曾一同前進朱射斗奮

勇殺賊窮追至高院場地方猝被賊匪折轉兜圍緣魁倫軍營相距三四十里並無接應以致

臨陣身亡其被戕之慘實爲臣子所共憤恨至

潼河最關緊要魁倫先駐潼川鳳凰山復移駐

金山驛旣以防範潼河爲詞又復防範不嚴致

賊匪於三月十八日夜竄過太和鎮數萬生靈

慘遭焚殺及賊已逼近綿州省城人民俱爲驚

擾該州劉印全請撥兵三百名協同堵禦而魁  
倫又不肯發給該州繼之以哭僅親率鄉勇堵  
剿以致被害多名然百姓並不怨該州俱稱劉  
印全爲好官而深怨魁倫之擁兵自衛臣將次

省城於漢州新都一帶沿途節次訪聞大畧相

同再臣於初五日行抵梓潼時適值賊匪在該

縣境內滋擾臣目覩民人遷徙紛紛並有被賊

所傷者臣因前途阻塞在該縣暫停二日督率

署知縣汪金笏嚴行防禦百姓始行安住初七

日臣即行前進親見各處圍寨頗形惶惑臣乘

騎竟日行一百八十里於馬上逐處詢問居民

普加慰諭俾無驚恐至蒙

垂問川省帶兵各員何人奮勇畏蕙之處皆云川省

剿辦賊匪自德楞泰移師到來疊次擒獲渠魁

實爲奮勇出力且能於臨陣時宣布

聖主如天之德是以新被裹脅者紛紛投出無不感

戴

皇仁但一人之力究難處處兼顧應請

勅下督兵大臣同心協力以期迅奏膚功奏入

上命軍機大臣傳諭周興岱勒保曰昨據勒保奏審

辦魁倫一案已添派周興岱一同會審今據周興

岱查奏各情節看來魁倫種種罪狀竟無一字虛  
假勒保到川已有所聞心知其難以輕貸特因勒  
保前此獲咎係交魁倫審辦今又審辦魁倫若將  
伊貽誤軍務重情不行徹底查辦旣恐其事難以  
始終瞞隱且勒保與魁倫又係親戚經朕察出難  
辭瞻徇之罪若據實嚴辦又恐近於報復是以請  
添派周興岱會審今魁倫罪款業已曉然衆著一

俟周興岱到彼卽應會同嚴訊如朱射斗追剿搶  
渡嘉陵江賊匪至高院場地方被賊兜圍彼時魁  
倫旣於蓬溪駐劄朕早覺其有心逗遛乃又不派  
兵接應以致朱射斗臨陣身亡且魁倫先駐潼川  
鳳凰山復移駐金山驛旣以防禦潼河爲詞又復  
不能實力防範任賊匪竄過太和鎮肆行焚殺迨  
賊已逼近綿州省城民人俱爲驚擾甚至該州劉

印全懇請撥兵協堵因魁倫不肯發給繼之以哭  
而魁倫惟知擁兵自衛置之不理均出情理之外  
魁倫前於蓬溪駐劄並不帶兵追賊又不派兵接  
應朱射斗一節現有曾隨魁倫文武官員可以傳  
詢至賊竄綿州該州劉印全懇請發兵魁倫不肯  
發給一節現有該州劉印全在川不難傳到與魁  
倫面質至魁倫前此縱賊搶渡嘉陵江猶因定遠



一帶先經撤防魁倫止於不能先事防範其罪稍  
有可原是以僅予薄懲至伊在潼河防守節經降  
旨以此處實爲魁倫生死所關申諭再三至爲明  
切乃魁倫前于駐紮蓬溪時旣不能奮力擊賊稍  
圖自贖轉因與廣興素有嫌隙屢次具摺叅奏而  
於防守潼川毫無布置仍前疎玩致任賊匪越過  
潼河蹂躪完善地方荼毒無數生靈旋復由潼河

集三才圖會卷之三  
五

渡回並仍折竄嘉陵江東岸來往自如不知其所  
防守者係屬何事是魁倫種種疎防玩悞其罪竟  
無可追伊係朕特加擢用之人視朕爲何如主竟  
不料其喪心負恩昧良一至於此若不嚴行究辦  
何以示懲著周興岱勒保再將以上情節向魁倫  
逐加詰訊並查明魁倫駐紮蓬溪距朱射斗失利  
之高院場究有若干里及賊匪搶渡潼河後其所

狀害民人約有若干將魁倫一面按律定擬具奏  
一面押解成都監禁候旨遵行

同日

上命軍機大臣傳諭胡季堂蔣兆奎曰現在陝省賊  
匪經額勒登保那彥成等各帶官兵在五郎鎮安  
石泉漢陰一帶督率搜剿恐賊匪被剿緊急有向  
東奔竄之勢陝西商雒地方與豫境毘連湖北均

州亦與河南接壤其盧氏淅川南陽一帶現經吳  
熊光派令總兵常林田永桐臬司完顏岱等帶領  
兵勇團練在各處防守但兵力尙覺稍單著胡季  
堂蔣兆奎于直隸山東各營內挑選健壯兵丁各  
一千名並派奮勇曉事曾經出兵之副叅大員及  
都守等官帶領迅速起行前赴河南聽候吳熊光  
派撥俾豫省邊界防禦益加嚴密此項所調之兵

亦不可久懸額缺著于調派後卽行召募補足一  
半額數飭令將弁勤加訓練爲要

上又命軍機大臣傳諭江南提督定住曰現在陝西  
剿辦賊匪經畧額勒登保叅贊那彥成於東北東  
南兩路分道進兵其西雜一帶雖有恒瑞國霖帶  
兵迎堵恐尙未能遏賊去路陝西東面界連豫省  
節據吳熊光奏報督率鎮將等加意防範而兵力

究單賊匪或因被剿情急擾及豫省邊界不可不  
堵禦嚴密本日已諭令胡季堂蔣兆奎在直隸山  
東兩省各撥兵一千名前往河南以備堵剿之用  
因念帶兵需員定佳朕素未識其人聞伊前在河  
南固始縣二道河地方帶兵駐紮於防堵事宜較  
爲熟悉此次卽派定佳馳驛星赴河南帶兵同田  
永桐常林等合力齊心防寸協堵著於接奉此旨

後迅速起程不必帶領江南兵丁祇須輕騎減從  
趕赴河南與吳熊光會晤酌籌防堵俟大功告成  
後卽由豫入京陛見至豫省襄江一帶亦與楚省  
毘連現在均州等處間有竄匪亦不可不加意防  
範定住惟當與吳熊光彼此熟商何路緊要卽赴  
何路防堵以期無負委任

上又命軍機大臣傳諭吳熊光曰昨據額勒登保那

彥成奏到會商剿辦陝省各股賊匪情形均由西面進剿其勢必將賊匪逼向東竄而東面僅有恒

瑞國霖豈能遏賊去路恐又闖入豫境已諭令吳

熊光督飭鎮將實力防堵但豫省西南兩路均與

陝楚境壤毘連處處皆須防守該省現有兵勇恐

尚不足以資分佈現已降旨令直隸山東各派兵

一千名速赴吳熊光處並諭令江南提督定住卽



由該處迅赴河南與吳熊光會商帶兵扼要堵禦

如所調新兵到在定住之先該撫卽可派撥堵截

俟定住到後再行公同籌酌確探賊蹤察看何處

緊要卽令督率嚴防俾賊匪不敢窺伺豫境朕於

定住素未識其人聞其帶兵甚有節制前在河南

交界之固始縣二道河地方駐紮防堵竄匪頗能

認真此時派令赴豫自可得力該省現有總兵田

永桐常林及完顏岱等分投防堵茲又有定住帶  
兵堵截吳熊光惟當與該提鎮等熟籌妥辦亦不  
得越境剿捕總以擇要嚴防毋使竄匪一名闖入  
爲要吳熊光在豫辦理堵禦一年有餘井井有條  
甚屬可嘉總未奏請添兵協助自因添兵卽須添  
餉恐致多費現在陝省賊匪被剿緊急難保其不  
致東竄當以地方爲重應思未雨綢繆免致臨渴

掘井轉不必慮及增添餉銀現在所添新兵該撫  
如能于該省間款內籌撥軍餉足資應用固屬甚  
善倘尙有不敷不妨據實具奏由部撥發也至直  
隸山東二省之兵一時未能卽到吳熊光不妨虛  
張聲勢預行宣佈以現在添調各路勁兵來豫截  
剿聲威更壯俾民心安定并可出示曉諭廣爲張  
貼使賊匪揭去知有多兵赴豫更可使之震懾此

亦先聲奪人之計也

二十二日甲辰吳熊光奏言臣接據探報楚北前

二股賊匪一股先竄回房保交界之受陽坪一

股竄至巴東已奔川境復由興山折竄現在房

縣保康一帶滋擾臣查該匪雖折回房保交界

地方然距江岸尚遠惟苟文明一股前竄至均

州等處逼近江干經豫省防江兵勇施放鎗礮

轟退後奔竄鄖境今復折回均州一帶四散掠  
食距江岸均不過三四十里此股賊匪雖不過  
千餘人其中並無婦女幼孩是以易於逃竄兼  
以豫省兵勇均在江北因而意圖窺伺

臣

前已

督率完顏岱等將添團鄉勇千餘名分佈江岸  
上下騰出開封練勇預備剿賊現密囑守備黃  
文錦等帶領駐紮均州對岸之槐樹關隨時確

探賊蹤如果竄近襄江南岸該備等卽帶領練  
勇出其不意過江奮剿卽或不能殲除亦足以  
杜窺伺連日江水雖漸消落其深處及中河尙  
有七八尺及丈餘不等臣惟有督同完顏岱等

確探楚北各股賊蹤趨向於江岸倍加嚴密巡  
防斷不敢輕信屬員控稟遽存大意至陝省賊  
匪過江大股與甘省竄入之賊本已西竄安康

一帶游奕現因額勒登保帶兵由洋縣華陽進發那彥成帶兵由城固安康進發賊又竄回鎮安並有一小股竄近商州昨接那彥成來信于途次加緊進行欲趕赴賊前顧住東面等語

臣

查額勒登保督師由北而南那彥成帶兵由南而東兩面夾擊不但賊匪易于撲滅且那彥成所帶大兵繞至東路豫楚邊疆均添一層障蔽

自更有益惟是山鎮商雜一帶跬步皆山路徑  
叢雜誠恐那彥成未經趕到之前賊蹤先行東  
竄是豫省盧氏浙川一帶邊境尤不可一刻懈

弛臣已疊札田永桐常林等董率各將弁兵丁

隨時察探賊匪確切趨向晝夜慎密防守毋使

一名闖入臣因盧氏山溝較多恐常林處兵分

見單現又拙撥陝州等處兵丁三百名前赴藥



莊軍營預備分撥協防至盧氏沿邊地方民鮮  
土著募勇維艱并飭署陝州督同盧氏靈寶等  
縣就近設法團練俾助聲威臣仍察探兩路信  
息何處著重卽馳往何處督防奏入

上命軍機大臣傳諭吳熊光曰吳熊光奏察探楚省  
賊蹤折竄情形督飭嚴防所辦均爲得當所有目  
前添調直隸山東兩省官兵著吳熊光酌量情形

如此時亟須此項兵力協助自當行文催令迅速  
前來倘尙在可緩聽其陸續抵豫卽可不必行催  
至所奏騰出開封練勇密囑守備黃文錦等帶領  
駐紮均州對岸如賊匪竄近襄江則過江奮剿一  
節此舉應加慎重賊匪竄近江岸惟應設法堵禦  
若令該備過江剿賊則所帶兵勇等自必需船濟  
渡這渡至南岸如將船隻提泊北岸設兵有利鈍

何以渡回豈不成背水之戰若將船隻停泊南岸  
萬一賊匪分出一股率綴官兵令其匪黨潛赴江  
邊搶船偷渡豈不轉爲賊用豫省兵力本非有餘  
而江岸及盧氏浙川一帶應防處所甚多吳熊光  
惟當以嚴防本境爲重若能於楚陝交界地方處  
處截住固守無虞卽爲吳熊光之功原不責以越  
境剿賊之事此時守備黃文錦尙已渡過襄江南

岸或稍有斬獲仍當撤回防守若未經濟渡卽行  
中止專意防堵可也至所稱接到那彥成來信有  
伊欲趕赴賊前顧住東面之語若果能如此是伊  
之福惟商雒一帶跬步皆山路徑叢雜那彥成未  
經趕到之前或恐賊蹤先已逼近豫境其盧浙邊  
界務當督飭駐守之鎮將等加意防堵不可稍有  
懈弛仍將楚陝兩省近日賊情探聽明確隨時馳

奏

上又命軍機大臣傳諭明亮倭什布曰楚省各股竄  
匪前已有旨專交明亮督辦其防堵卡隘並攔截  
竄匪等事專交倭什布辦理伊等自應悉心籌畫  
分股剿堵乃楚省賊匪或在房保竄擾或在均州  
肆掠逼近江干已經吳熊光派出兵勇用鎗礮轟  
擊並探明賊首係苟文明一股而明亮倭什布等

自前月二十九日覆奏湖北各股竄匪情形後迄  
今已二旬有餘何以未據續有奏報且前降諭旨  
內已令明亮等察看賊情如實在兵力不敷剿辦  
卽飛咨廣西巡撫將該省預備調撥之精兵二千  
名迅速調赴楚省軍營以資剿辦此項粵西兵丁  
是否必需調用抑或無庸咨調之處並未見明亮  
等覆奏明亮昨歲因在牧護關龍駒寨捏報打仗

殺賊情形將伊治罪今復加錄用自不敢仍蹈前  
轍稍有虛捏情事但此時縱未能得有勝仗亦宜  
將剿捕情形隨時具奏豈必待大獲勝仗將楚境  
所有竄匪悉數剿除始行奏捷耶朕因剿賊之事  
日夜盼望各處軍報乃明亮倭什布等竟至二十  
餘日之久並無一言奏報不知伊等所辦何事明  
亮倭什布俱著傳旨申飭仍著將楚省現在賊匪

股數究有若干並作何籌辦及何人搜剿何股賊  
匪之處逐一據實速奏

二十三日乙巳國霖奏言竊臣於四月十五日據

商州牧陳祁報稱該牧由鎮安查卡行抵九間

房探有西來竄匪人數頗衆由山陽一帶衝越

各卡肆竄前來該牧集有鄉勇堵截今賊匪已

竄至黑山口如由北竄卽王土軍嶺等語查軍嶺



係通商州要隘因卽帶兵馳往恰值賊衆奔竄

前來

臣

與三等侍衛愛星阿率同將領奮力追

擊該匪一見官兵卽行折回逃竄

臣

仰仗

皇上天威督兵直前追擊斃賊三十餘人搶獲藍白

旗二桿並經陳和帶領鄉勇截殺該匪勢極窮

蹙卽由北路翻山捨命狂奔伏思北面隘口最

關緊要自不便尾隨賊蹤且時已昏暮因將官

兵紮住探其所竄之路再行抄截隨據兵目拏

獲賊探唐文進一名訊據供稱賊匪首逆姓楊

係僞元帥今年三月間自秦州赴留壩一路搶

掠現立有各色旗一百八十餘桿每旗聚人六

七十不等此外又有騎馬賊八百餘名並在各

卡搶得鎗礮甚多今因楊姓欲回河南前日到

黑山口聞商州現有大兵卽繞奔北灣遇見鄰

勇打仗故折回軍嶺今又遇官兵衝殺俱已翻

山逃走我被官兵拏獲等語餘無要供隨移交

地方官照例訊辦查該匪現在逃竄之處面面

皆山隨處皆有出路且其勢總欲東竄臣所帶

兵勇僅止一千餘名不能分堵茲惟有確探賊

蹤相機盡力截擊以期不至闖入要隘正繕摺

聞又據山陽汛把總稟報現有南路大股賊匪

約萬餘人已竄至鎮安之王蟒山又一股約數  
萬人已竄至鎮安之亂石窖又有小股約千餘  
人竄至東路之黃龍舖其勢均係東趨等語

臣

現於商雒一帶要隘處處確探相機緊顧奏入

上命軍機大臣傳諭國霖曰此次賊匪竄往軍嶺國  
霖與愛星阿率同將領奮力進擊賊匪向北路翻  
山奔逸國霖探明所竄之路再行抄截所辦皆是

又據奏現有南路大股賊匪約萬餘人又一股約  
數萬人均竄至鎮安地方復有小股千餘人竄至  
黃龍舖其勢均係東趨等語國霖現於商雒一帶  
相機迎擊但賊匪爲數較多國霖所帶兵勇僅止  
一千餘名不敷分堵已降旨令額勒登保那彥成  
迅速帶兵赴剿現諭令胡季堂派直隸兵二千名  
蔣兆奎派山東兵一千名並諭伯麟將駐劄蒲州

備調之大同兵二千名速赴豫省盧氏一帶統交  
吳熊光分撥防堵並可爲陝省東面聲援而額勒  
登保那彥成亦俱統領大兵由石泉五郎徑趨鎮  
安商雒賊匪聞知大兵雲集自可遏其東竄之勢  
但商雒一帶面面皆山國霖與愛星阿此時切勿  
因賊匪較多中無把握務當督率兵勇扼住商雒  
一帶要隘勿令賊匪乘間突出闌入豫省卽屬國

霖之功不可不倍加奮勉也

上又命軍機大臣傳諭額勒登保那彥成日本日據  
國霖奏南路大股賊匪約萬餘人已竄至鎮安之  
王蟒山又一股數萬人竄至該縣之亂石窖又有  
小股千餘人竄至東路之黃龍舖等語是賊匪大  
勢均向東趨額勒登保那彥成前次奏報之摺必  
係聞有賊匪東趨信息始帶兵自西赴東面進剿

自知已落賊後故一面飛咨豫省防堵一面奏請  
諭令吳熊光上緊堵截預爲站脚地步其辦理遲  
緩之咎欲益彌彰茲賊匪大股悉數東趨至鎮安  
商州一帶國霖帶兵不過千餘豈能遏其奔竄之  
路恒瑞本係在鎮安一帶堵剿何以未見與賊接  
仗此時究在何處卽著額勒登保等查明據實覆  
奏至額勒登保那彥成到陝後並未與賊接仗一



次又不能妥爲佈置以致賊勢日漸東趨伊等屢  
云賊在老林今如此肆行奔軼尙得云仍在老林  
乎若再不設法繞至賊前悉力堵截豈竟欲縱令  
賊匪竄過豫省耶伊等旣已遲緩于前應急思補  
救于後此時伊等若能在陝境辦竣賊匪固屬甚  
善否或將大股之賊截向西南或奔赴川北或逼  
至甘省尙可容伊等剿賊自贖亦不治伊等調度

集三才圖會卷之三  
失宜之罪若竟聽賊匪竄入豫境則伊二人之罪  
斷難輕恕較魁倫尤重矣凜之凜之現已降旨于

直隸調兵二千名山東調兵一千名並將前次山  
西備調之大同鎮兵二千名令其星速前赴豫省

交吳熊光帶領嚴防東面額勒登保那彥成總當  
就現有兵數繞赴賊前奮力堵截堅持定見不可  
心忙意亂轉致毫無把握如賊匪離豫漸遠伊等

所帶之兵不敷剿辦則現赴豫省之五千兵尙可  
調赴軍營應用若此時西路再行添兵勢必更將  
賊匪逼向東面豫省更爲著重所有新調之直隸  
山東山西兵丁日下總以防堵豫省爲急不能分  
給額勒登保等應用也

上又命軍機大臣傳諭吳熊光曰據國霖奏陝省現  
有南路大股賊匪約萬餘人又一股約數萬人俱

竄至鎮安境內並有小股賊匪千餘人竄至黃龍  
舖均向東趨看此情形豫省盧氏一帶與陝境毗  
連甚爲著重恐該省兵丁不敷守禦現又降旨令  
直隸再添調兵丁一千名並於山西駐劄蒲州候  
調兵三千名內令伯麟將大同兵二千飭令派出  
將弁等迅速帶赴河南盧氏一帶均交吳熊光分  
撥調度此時該撫探知賊匪東趨自必親往盧氏

一帶應督同田永桐常林實力防堵毋使賊匪闌入豫省添此生力多兵聲勢壯盛且定住接奉昨旨自當星夜趕到吳熊光並當與定住彼此熟商總須扼住賊匪入豫之路不可稍有疎懈

上又命軍機大臣傳諭胡季堂曰陝省商雒等處與河南境壤毗連現據國霖奏報陝省大股賊匪欲向東趨則豫省邊界防禦最關緊要茲據胡季堂

奏稱于正定防兵一千五百名內挑出一千名速

令赴豫此時豫省正當防堵喫緊之際猶恐兵力

不敷著胡季堂再將正定代防之五百名並於附

近各營另挑精兵五百合成一千名派委得力將

弁卽日分起啟程接續前進所有一切車馬等項

務須寬爲預備以期行走迅速早抵豫省現已有

旨令吳熊光前赴盧氏一帶此項官兵卽徑赴該

處交吳熊光調撥防堵不可稍有遲延

上又命軍機大臣傳諭伯麟曰據國霖奏報陝省賊匪分股竄至鎮安等處其勢均係東趨鎮安一帶與豫境毘連賊匪勢欲東竄則豫省防堵較之陝省剿捕尤爲緊要所有前駐蒲州備調之大同鎮兵二千名不必令赴陝西軍營著伯麟卽刻派委曾經出師勇幹鎮將帶領就近取道迅速徑赴盧

氏一帶交與吳熊光派撥防堵

上又命軍機大臣傳諭吉慶曰前因湖北教匪在均州房保一帶滋擾會降旨令明亮倭什布等酌量咨調廣西預備兵丁二千名前往協剿吉慶如接到明亮知會不必再行請旨卽一面飭令派出將弁帶兵速赴楚省一面奏聞至所挑廣東兵三千名仍在各營預備聽候諭旨俟有需用之處再行



酌調

同日

上又命軍機大臣傳諭勒保曰朕檢閱軍營奏摺本年正月二十九日據魁倫奏川省悅來場地方有賊匪前來滋擾經署同知李在文把總馬友文率同兵勇奮擊鎗斃探馬賊目冉其儔並殲賊三千餘名該匪敗退狂奔欲搶渡南竄而南岸復有重

慶府文武帶領兵勇在彼防守鎗礮齊發並將北  
岸船隻提泊南岸賊匪無從搶渡遂翻山逃竄等  
語此一處防守文武各員甚爲出力彼時魁倫奏

到後旋據奏賊匪偷渡嘉陵江未及將此次防守  
之員降旨加恩但思賊匪搶渡嘉陵江及竄過潼  
河已將防堵疎懈之知縣孫熙遊擊王之鑑通判  
連彭年等分別懲辦此等守禦不力之員固當嚴

行治罪其有認真防堵奮勇殲賊者亦當酌加恩  
獎以昭激勸著勒保查明李在文等在悅來場打  
仗情形是否與魁倫原奏相符其重慶府文武將  
賊匪擊退時是否祇係用鎗礮在隔岸轟擊抑係  
親身督率兵勇與賊接仗逐一詳查并開具實在  
出力之文武各員名單進呈候朕酌量加恩

二十四日

丙午

長麟台布奏言竊

臣

長麟由鳳縣

留壩褒城一帶逐段稽查

臣

台布趕抵褒城會

晤途次接據各州縣稟報賊匪日漸東趨在鎮

安洵陽一帶竄擾又先後接准額勒登保那彥

成札開額勒登保已由五郎一帶緊躡賊蹤入

山那彥成亦由石泉漢陰一帶追剿札囑

臣等

卽將棧道內所設官兵移赴江口五道梁桅桿

石方柴關斜峪關等處一帶防堵

臣

等查五道

梁等處在棧道迤東賊勢現既東趨臣等自應

逐漸前進藉堵禦以助剿捕剿兵日漸逼緊則  
防兵亦逼緊一步倘能仰賴

天威即日將賊匪逼歸一處自可尅期奏績臣等當

卽酌派總兵索費英阿在方柴關一帶防堵總

兵長春在江口一帶防堵總兵汪啟在桅桿石

五道梁一帶防堵副都統和興額在斜峪關一

帶防堵臣長麟在江口紮營不時來往稽查相

機策應並恐賊匪被剿緊急從峪口竄出平地  
復派總兵觀祥帶領馬隊步兵在峪口外隨處  
防堵總期剿堵相濟迅掃妖氛謹將防堵情形  
繪圖貼說恭呈

御覽

台布又奏言臣前因棧內居民零星散處並無

寨堡酌定寶雞之黃牛舖鳳縣之草涼驛三岔驛留壩之南星武關江口褒城之馬道青橋寧

羌之大安黃壩等驛修築大堡俾居民藉資捍衛來往軍火餉鞘糧食等項到站有所存貯實爲公私兩益之舉現在棧道肅清正可趁此修築而民情猶豫觀望動以需費浩繁爲詞日前地方官不善勸導各紳士不諳工程未能相度

地勢然斷無因此中止之理查有原任韓城縣  
知縣莊振熟悉工務而又善於勸化飭令先往  
青橋馬道江口南星武關切實曉諭該員傳齊  
耆庶反覆開解親爲擇定地勢教以取土壘石  
因利乘便之方商民人等見事不甚難始各允  
諾又許以民力不敷官爲資助更覺踴躍此內

江口一處最關緊要

臣

先派試用從九品維昂



在彼護糧囑令兼辦築堡莊振到後督率商民  
漏夜趕築雒昂亦率領鄉勇幫同挖濠壘石分

段興修自三月底啟工至本月十四日已報完

竣堡周三里墻高二丈厚一丈二尺崇墉屹然

所運糧石盡行移駐在內百姓亦紛紛佔地造

房安速異常據莊振面稟江口堡工除民力不

計外膏資助銀三百十二兩八錢其餘九處或

多或寡大約不甚懸殊總不出五千兩之內儘

可捐廉辦理等語臣已照數發給仍令該員將

查過四處一律興工未經查勘之草涼三岔大

安黃壩黃牛舖五處亦俱次第趕辦統期於閏

四月底普行完工查莊振前曾得有軍功奉

旨賞戴藍翎等獲搶劫難民重犯劉添文等全案十

三名奉

旨以同知直隸州卽用臣於上年九月內到陝因事

叅奏留於軍營以觀後效前督臣松筠派令製

造弓箭及採買糧石等事均屬奮勉臣分營後

調入南山幫辦軍需稿案不辭勞瘁此次勸築

民堡又能秋毫無犯大工畢舉所助銀兩雖係

臣捐給養廉但能知設法撙節而仍非刻覈卽

屬能事試用從九品維昂自分發來陝卽帶鄉

勇屢次打仗今於護糧之暇幫築民堡迅速蕲  
工其心能以公事爲重均爲陝省不可多得之  
員合無仰懇

天恩俯准將莊振翎頂原官一併開復雜帛以應陞  
之缺陞用以爲實心任事者勸出自

逾格鴻慈奏入

上命軍機大臣傳諭額勒登保那彥成長麟台布日

長麟等奏移兵江口分段防堵情形種種錯謬甚不明晰陝省各股賊匪分投奔竄自當以嚴防東面爲重豈有引賊入室之理前日因額勒登保那彥成均由西面帶兵進剿勢必將賊匪逼向東趨而東面僅有恒瑞國霖豈能遏賊去路恐致闖入豫境節經降旨飭諭今長麟等知賊匪日漸東竄在鎮安洵陽一帶滋擾卽以爲賊氛漸遠殊不思

賊匪擾及鎮安洵陽去陝漸遠而距豫漸近若統

兵重臣及身任封圻者惟以驅賊出境爲事將陝

境之賊盡行逼至河南豫省亦不行堵截逼往河

北任其竄入直境而直省復從後追逐縱令賊匪

直向北趨豈竟欲朕親統八旗勁旅就近親征乎

且閱長麟等所進圖樣于西南兩面層層設卡安

兵分段佈置堵其後路而東北兩路如何堵禦之

處絕不算及則無論賊匪本欲竄往河南正可乘  
虛突入卽賊匪並非專意東趨而西南兩面見有

官兵層層駐守卽欲退回其勢亦有所不能額勒

登保等四人經朕委以剿賊重任乃似此茫無佈

置惟知跟蹤追剿勢必逼向河南自不能不先予

以薄懲額勒登保那彥成長麟台布所得花翎俱  
著革去並各嚴行申飭此時惟當亟圖改計速行

設法抄赴賊前卽一時不能剿淨或將賊匪仍逼

回甘省及川北一帶亦仍可立功自贖額勒登保

等務須悉心佈置堅持定見不可心忙意亂轉致

辦理愈無把握至台布所奏築堡出力人員請加

鼓勵此時棧內賊蹤已遠所重者惟在合力剿賊

不使東竄其築砌寨堡並非目前要務何必輒將

承辦之員懇請開復陞用所奏且不准行統俟大



功告竣再行核辦

同日托津奏言伏查上年先後撥發兵餉五百萬兩緣陝甘節次截留過多廣興任內收到餉銀除去歲發遠探買倉穀及地方經費外實在分歸三局者僅止一百六十三萬兩川省近日嚴裁浮費較前倍加節省然征防兵勇鹽菜口糧及置辦軍火軍裝運送軍糧脚價等項皆爲

事所必需是以每月三局需費仍多臣接辦以

來各局存銀漸將告罄京浙兩餉現已全數抵  
川山西餉銀五十萬兩昨接伯麟咨稱委員解  
送起程此時諒入陝境其陝西續截二十萬兩

蒙

諭飭令歸款現已委員解送前來統計臣經手已到

未到各餉及各局存銀共一百六十餘萬兩除

將前經魁倫奏請撥歸地方經費銀十萬兩廣  
興奏明借動司庫未發穀價銀十九萬有零照  
數撥還歸欵外尚存銀一百三十餘萬兩以目  
前核算足供兩三月支用原不致卽行缺乏無  
如賊匪竄越潼河以來川西州縣處處戒嚴不  
惟被賊地方需銀應用卽近賊處所亦俱添設  
鄉勇且續添漢土官兵共計八千餘名現當剿

辦喫緊之際所運兵糧更須隨時籌備而川東  
川北需費仍屬照常况川省距京遙遠若待將  
次用完始行籲請誠恐緩不濟急臣再四思維  
不得不預爲籌畫仰懇

皇上天恩俯念軍儲緊要酌撥餉銀解川接濟臣仍

當與廣興嚴加稽覈斷不敢任聽浮開致滋糜

費

托津又奏言竊思兵食攸關最爲緊要

臣

因賊

匪搶渡潼河被剿奔竄經德楞泰統領大兵躡

蹤追擊勒保魁倫分率勁旅於潼河兩岸奮力

夾攻各營需糧刻難稍緩全賴近省州縣及潼

順等屬相機協運設法轉輸此時賊無定向兵

無定營

臣

遠駐達州時恐稍有貽悞當卽札催

省城保寧兩局及隨營總理道員等轉飭各屬

察探情形熟籌挽運並令其將應由何路直運  
何路改運有無阻滯隨時飛稟總期儲備裕如  
俾士馬飽騰得資接濟其達局糧石本有自省  
運來之米又復採買寬裕除防守兵勇照常支  
領此外尚有儲積因飭省城暫停運達先儘川  
西一路供支所有到川京餉二十萬兩浙餉六  
十二萬四千五百餘兩省局需用較繁共撥銀

四十五萬四千五百餘兩其餘分撥保局十九  
萬兩達局十八萬兩目下各路大兵俱在省保  
兩局所管段內正當需銀孔急之時是以

臣

札

知隨營各總理道員酌量師行所向距省保兩  
局何處較近卽由該局支領又於兩局內先行  
動撥銀兩解往潼順兩府存貯聽候隨時調用  
現據兩局及各州縣陸續稟報已將糧餉分投

趕運不至缺乏惟查解省京浙兩餉行抵順慶

被賊阻擾未能前進臣深爲焦急隨經咨商成

都副都統定柱並札飭順慶府催令浙江解員

相度賊匪遠近何路可進卽由何路行走茲據

該府稟稱前路疏通各餉均於初三日自順慶

起程計此時可以抵省其未到山西餉銀五十

萬兩陝西解還銀二十萬兩現已傳催沿途多



派兵勇小心照料妥速解送俟得有進棧信息  
卽按三局緩急情形預爲指撥並先期遴委妥  
員迎至入川首站一俟餉銀到境分起接護前  
來至軍火等項節據省城三標中軍及重慶鎮  
標遊擊等稟報悉照舊定章程妥爲製備陸續  
運送均無貽悞臣仍飭令隨時報明按月造具  
清冊齎呈以備稽核奏入

上命軍機大臣傳諭托津楊揆日川局創銀現足供  
兩三月支用該省賊匪業經德楞泰連次痛剿已  
甚窮蹙兩三月間卽能辦竣托津係由京派往辦  
餉之人於現在庫貯情形自己深悉今於餉項足  
用之時預請籌撥殊屬不知事體托津著傳旨申  
飭所請餉銀此時亦不必給予俟一月後酌量情  
形再爲撥給至另摺所奏於到川京浙兩餉內共

撥省局銀四十五萬四千五百餘兩此時均已抵  
省此項銀兩雖係存貯省局而保達二局倘有需  
接濟之處仍可就近支撥並非一入省局遂與軍  
餉無涉著楊揆將撥到省局銀兩加謹收貯毋得  
任意濫支爲要

同日

上諭內閣曰陝省鎮安洵陽一帶有川匪竄入滋擾

而棧道內州縣亦有由甘折回賊匪分路奔竄雖  
賊蹤未到之處二麥均可豐收但被賊處所耕種  
失時民力自屬拮据著加恩將整屋孝義五郎山  
陽鎮安安康洵陽石泉平利紫陽漢陰寧羌沔縣  
西鄉洋縣留壩鳳縣寶雞岐山郿縣隴州等二十  
一廳州縣內無力各戶酌借籽本俾得及時布種  
以資接濟而示體恤